



→ طريق الوادي

← طريق الجانية
شارع مشاة

→ الى رام الله

طريق بينونيا الجانية

شارع مشاة

ساقية

مكتبة هوبو متانجا

مركز مجتمعي

مدرسة

مكتبة

مركز رياضي

مكتبة

بَحَبٌ مثلاً يوم تَطْلَعِي تشوفي شَجْر، يكون في مَقَاعِد تُقْعَدِي، ويكون في حَدِيقَة عَامَّة، وأهم اشِي بَحَبٌ يكون في مكتبة تُقْدَرِي تُقْعَدِي فيها وتطولي كتاب وتَقْرَأِي. وَبِحَبِّ جَنْبِ الحَدِيقَة العَامَّة يكون في موقف باص، أَنَّهُ يركبوا الناس في باصات مِش في تاكسي ولا سِيَّارات خَاصَّة. عِنَّا في البَلَد الأولاد بيلعبوا في الشارع الرئِيسِي، بتكون مُعْظَم الأَرْض وَسَخَّة. فَلَو يكون مثلاً في قِطْعَة أَرْض فيها سَحَاسِيل ومَلْعَب والأشياء إِلَي بيلتهوا فيها الصغار، وتكون مَكَان عام. الأَهَالِي مِش دَائِماً بيقدروا إنهم يطلعوا على رام الله عشان يقعدوا في حديقة ويلعبوا هم وأولادهم.



بَحَب لو البلد تحافظ ع طابعها الريفي، البيوت تبقى صغيرة وإلها حدائق وما يكون في عَمَارَات، ولو بيصير فيها مَطْرَح النساء يجتمعوا ويحكوا. مُهم جداً أَنَّهُ المشاريع إِلَي بِدْهَا تصير في البلد تكون مِن أهلها، مِش أَصْحَابها ناس من برة. مثلاً الروضة أو العيادة، إحنا عنا صبايا متدربات يكونوا مَعْلَمَات وفي أَكْثَر مِن خَدَا دارس تَمْرِيض. بَس الوَضِع صَعِب، لأنَّهُ كَثَار إِلَي عِنْدَهُم أَفْكَار، بَس عِنْد التَطْبِيق، في أَلْف شَغْلَة بتطلع والناس ما بتوصل للتنفيذ.

بالنسبة إِلَي المَجْلِس ودوره إشي مُهم، ومُهم أَنَّهُ الاعْتِبَار الأول يكون لأهل البلد وَمَنْفَعْتها مِش لِلخِلَافَات أو الاعْتِبَارَات الشَّخْصِيَّة. أَكْثَر إشي سَلْبِي هو الأحزاب، الإِنْتِخَاب بيصير على أساس أَنُو حِزْب الشَّخْص مُنْتَسِب إِلَه، مِش نوعِيَّة الشُّغْل والاستحقاق ومين عنده القدرة والعلاقات. ومشكلة المَجَارِي اليوم صارت أكبر مشكلة. لو يوم ما بَلَّشوا يَكْتَبُوا المِيَاه العادمة بالواد وقفوا الأَهَالِي والمجلس مع بَعْض وَقْفَة قَوِيَّة، ولو تَم التوجه للحكم المحلي وغيره، كان ما وصلت الأمور لهان.

ولاء عصام لملح

أراضي زراعية | خدمات صحية | مخبز | محلات للاحتياجات اليومية | شارع مشاة وأدراج (ممرات آمنة وخضراء) | تشجير وتوسعة وفتح شوارع | مواصلات عامة ومواقف | مساحات اجتماعية ومنتزهات | أماكن ترفيهية (مختلطة) | مرافق رياضية | مكتبة | مرافق خدمتية | ترميم وتأهيل بنى قائمة | أماكن ثقافية



→ طريق الوادي

← طريق الجانية

→ إلى رام الله

طريق بيتونيا الجانية

ساقية

الحدودية

أحياء مزارقة

مدرسة بيتونيا الجانية

مركز نسوي

مركزهاشمي

مركز بيتونيا الجانية

مركزهاشمي

مركزهاشمي



تعليم

أنا بفضلش العمارات، أنا بفضل يكون في شويّة أرض باب الدار وقعدة، أمّا إته أعيش بإسكان بشقة ومسكّر عليّ من جميع النواحي، لا بحبش. إتيّ أعيش بشقة بعمارة بقدرش مستحيل. يعني في كثير عمارات ما إلهن بلاكين، ولو في، بيكونوا كثير صغار. فش أحلى من العمار، هسّا لو الجبل إتيّ قبالنا لو بينتلي بيوت وملاهي وأشياء، بتحسي حلوو برتاح الواحد.

في معلّمة دين بتيجي على الجامع حكّتلنا جمّعوا نِسوان قَد ما تقدروا، بَعطيكُم يوم بالأُسبوع نعرف نقرأ القرآن والأحكام والتجويد، وأنا رُحت مَعهم. أنا ما خَلّصتُش دراسة، بس لصف سابع الفصل الأول. حكّتلنا أول إشي ركّزنا على النسوان الأمّيات اللي بَعرفنِش يقرّئن. هالقيت قدمنا إمتحانات وتخرّجنا! وهلا خَلّص، إنا استلمنا المسجد تبعنا وصرنا إنا نعطى دروس، إنا ثلاثة كل سبت بنروح إندرس الطلاب الصغار. ما أحسنها الشيخة الله يجزيها الخير يعني ظلت تعلم فينا، وجابت تَبْرعات سجّاد وصوبات و"مَزكانات" ومراوح في الصيف: كان الجامع فاضي، وهلاّ في رمضان، كل ليلة ع صلاة التراويح بيتعبى نِسوان وبنات بيصلوا، ما كان زمان هيك، إتطوّر. في أزواج عادي بيسمحو، أما في أزواج بيحكولك لأ، المرأة مَسجدها بيتها، بس هسّا ع زمن الرسول كانت سيدتنا عائشة تشارك في الحروب بأول القافلة، صح هي زوجة الرسول بس ما حكالها خليكي في البيت. يعني كمان كانت الشيخة تحكّلنا يوم تجتمعن إتنن النسوان بتقدّرن تعملن مشاريع في البلد، اتفقن بين بعض تَعْمَلن بالبلد أكم مشروع وما يهْمُكن كلام الناس، خلّو الناس تشوف فِجلكن وبَعدها يشجعوكن.

نِجاة نصر الدين (إم ممدوح)

بيوت مستقلّة (مع حدائق) | خدمات صحّيّة | أراضٍ زراعيّة | مخبز (مشروع خاص) | محلّات للاحتياجات اليوميّة | محلّات تجاريّة | تشجير وتوسعة وفتح شوارع | مواصلات عامة وموقف | روضة | مركز تدريب مهني نسوي | مساحات اجتماعيّة ومنتزهات | أماكن ترفيهيّة | مرافق رياضيّة | ترميم وتأهيل بني قائمة | تعاونيات



حديقة الوادي

حديقة الجانية

حديقة بيتونيا الجانية

ساقية

محلّة التفرّج

محلّة التفرّج

محلّة التفرّج

محلّة التفرّج

أنا لو يرجع فيّ الزمن، وهالقيت ولو أموت، نفسي أتعلّم القراءة. أنا بَعْرِفْش أقرأ وأكْتُب من مَرَّة، بتحسّي بنقص من جِوّاكي، هاي الشغلة عاللتني ومَرُضتني، وتبمنى لو بَعْرِفْش أقرأ ليل نهار.

أنا كثير بَجِب المناطق القديمة، يعني يوم رُجّت على نابلس، أو جَرَش، أو عَمّان، بتحسّي ولو إنها مش متطوّرة زي مناطق اليوم بس فيها روح أزوّد. قَدِيش اليوم في تقدم، بس فش روح. بتحسّي القديم من الناحية الإنسانية أحسن بكثير، يعني المكان إلّي إنتي فيه، لو حَسَّنتيه وزَبَطتيه وهنَدستيه وكُل شي، الناس مش متحابّة ومتسامحة زي أول. أبوي وعمّي مَخَلفين حوالي ٣٠ نفر، وإحنا صغار كُنّا مَعَ بَعْض عابشين بِطابقين والشعور كان أحلى؛ اليوم عنّا ١٠ طوابق بس كل واحد مسكر على حاله. بتحسّي إنه التطور أخذ مِنك أشياء، أنا بَحكي عَن العلاقات الانسانية. هاظ الإشي وَجَع عِندي، إحنا أولتنا وآخرتنا الواحد مفارق، ليش ما نعيش حياتنا مع إلّي بنحبهم؟ مُمْكِن لو عملتي قَعْدَة أو حوش للناس، ما بتُخَصِّسُ حَد معيّن يعني، يُقَعْدن فيه ومش ضروري يكون في موعد؛ يعني مَكَان يلتقوا ويحكوا وبِنَفْس الوقت يعملوا أشياء لحالهن لِلهن لذاتهن، إلا يتفقوا. يعني تخيّلني لو يقعدن ٥ أو ٦ إلا ما يطلعن بفكرة، مش زي ما تقعدني لحالك. زراعة أو اقتصاد يعني إشي تَنَمّي في نفسك. حتى لو كانت مُشتركة، أكيد إشي منيح يكون في أرض نَفَلحها ونزرع فيها، يعني لو تَزْرعي حُضرتك للدار كثير مُمتاز. تخيّلني لو الكل هيذ بِشْتغِل!



تخيّل

منتهى كايد عطا الخطيب

أراضي زراعية | خدمات صحّية | محلات للاحتياجات اليومية | صالون للسيدات | تشجير وتوسعة وفتح شوارع | مواصلات عامة ومواقف | صف محو أمية | روضة | مركز تدريب حرفي نسوي | مساحات اجتماعية ومنتزهات | أماكن ترفيهية | مرافق رياضية | أحراش (تشجير الأراضي الغير مستغلة) | ترميم وتأهيل بنى قائمة | تعاونيات


بِصْرَاحَةٍ يَعْنِي الْجَمِيعَ بِيَتَمَنَّى لَوْ يَصِيرُ فِي سُوْبَرْمَارِكِيْتَاتٍ فِي عَيْنِ قِيْنِيَا، وَإِنَّهُ الْمَوَاصِلَاتُ تَصِيرُ مَنِيعَةً، وَالْإِنَارَةَ، يَعْنِي أَنَا إِذَا بَدَّى أَنْزَلَ بِاللَّيْلِ مِنَ الْبَيْتِ بَدَّى أَحْسِبُ أَلْفَ حَسَابٍ. وَبِالنَّسْبَةِ لِلْمَدْرَسَةِ، يَعْنِي عِنْدَ أَهْلِي كَانَتْ الْمَدْرَسَةُ لِلصَّفِّ الثَّامِنِ، هَسًّا عَمَلُهَا أَرْبَعُ طَوَابِقٍ وَصَارَتْ لِلتَّوْجِيهِ، وَغُرْفٌ مِهْنِيَّةٌ وَتِجَارَةٌ، وَكَانَ فِي غُرْفٍ قَدِيمَةٍ هَدُوْهِنَ وَعَمَلُوا رَوْضَةَ، وَعَمَلُوا حَضَانَةَ. يَعْنِي الْوَاحِدَةَ لَمَّا بَدَّهَا تَشْتِغَلُ بِتَقْلِيْقِشْ، بِتَحْطُ أَوْلَادَهَا وَبِتَطْلَعُ.

فِي مَكَانٍ اسْمُهُ عَيْنُ الْفَوَّارِ، بِتَعْرِفِيهَا؟ بِيَحْكُوْلِي هَايَ الْمَنْطِقَةَ حَلْوَةً، يَعْنِي الطَّبِيعَةَ حَلْوَةً، فِيهَا عَيُونٌ مِيٌّ وَقَعْدَاتٌ حَلْوَةٌ وَنَفْسِي أَرْوَحُ عَلَيْهَا. وَفِي مَلَاهِي الْمِيْجَالَانْدِ فِي طَوْلِكْرَمِ، هِيَ مَدِيْنَةُ أَلْعَابِ وَفِيهَا كُلُّ إِشْيٍ بِتَتَمَنِيهِ؛ فِيهَا قَعْدَاتٌ عَالِيَةٌ بِتَجَنُّنِ، وَفِيهَا سُوْبَرْمَارِكِيْتَاتٌ كَثِيْرَةٌ يَعْنِي كُلُّ إِشْيٍ بِدَّكَ تَشْتَرِيهِ بِتَلَاقِيهِ. فِي طَوْلِكْرَمِ الْمَسَاحَةُ كَثِيْرٌ أَكْبَرُ مِنْ مَخْمَاسِ إِلِّي بِتَحْسِيْهَا مَحْصُورَةٌ وَكُلُّهَا عِمَارَاتٌ.



تفكير

أمني



→ طريق الوادي

← طريق الجانية

منطقة سكنية

→ الى رام الله

طريق عبوديا للتحسين

طريق عين بركوك

ساقية



تخيّل

أنا من طفولتي الإشي إليّ نفسي فيه هو أّي أرجع أزور فرنسا وإيطاليا. وأنا صغيرة زُرنا قرية في بنصّها نهر، من هون شجر ومن هون بيوت وشجر، منطقة جنّة! المناخ كثير كثير حلو. بتوصلي من منطقة لمنطقة بالنهر، فش مواصلات، تخيّلني إنو تطلّعي من عين قينيا لرام الله بقارب! بجوز عمري وقتيها كان ١١ سنة، عشت فيها ٣ أشهر بس لليوم بنسأهاش. قرية صغيرة، بيوتهم كُلهَا مُستقلّة. البيت مع قَرميد، على طابقين مساحتهم مش أكثر من ١٠٠ متر، مع سياج خشب مش حديد، وبتلاقي حوالين الدار كُلهم زارعين شَجَر ووَرْد. يعني عن جَد عن جَد، بَلَد رَوعة، وفيها موقّر مدارس مش مدرسة واحدة، وكانت فيها مدرسة راهبات، كُنت أروح مَعهم، وموقّر فيها نادي. فيها الستات إليّ بيشتغلوا بالأرض إيراداتهم ما كانت تطلع لبرة، كانوا إلهم يستفيدوا. الشوارع بتلمع لمع، عندهم بَقَر وعَغنم بس ما في ريحة. الزلام بتلاقيهم مَغْرِبِيّات كُلهم قاعدينك على الشارع بيلعبوا شطرنج، أو زهر، أو دومينو، والنساء بتلاقيهم حوالين بعضهم بيتحدثن وبيشتغلن "كروشي"، بتلاقي واحدة ماسكة بلوزة، واحدة شرشف طاولة، واحدة مخدات. أنا بحسّش روابي منطقة للطبقة الفقيرة، عاملينها لناس برجوازية، بحسّش أنها مُريحة، كُلهَا عَمارات، وفي كثير شغلات غَلَط فيها. أنا بحبّش المدن. بيكفي هون فش أصوات سيّارات ومَصانِع وضجّة، وفش كثافة هالسكان إليّ في المدن. أنا نفسي بلدنا تكون كبيرة ومنظّمة، تَنفِث شوارع وتكون الزراعة قريبة على المي، عند العين وعند الوادي، وبركّ مِي وَسكّن زراعي بِكُل المنطقة. مثل ما بيقولو "وين وطنك؟ راحة بَدَنك". هاد التخيّل إليّ عملته بجنن!

فريدة (أم القروي)

بيوت مستقلّة (وإسكان خاص للراوية وأبنائها) | سكن زراعي | أراضي زراعيّة (ومزرعة عجول) | خدمات صحيّة | مخبز | محلّات للاحتياجات اليوميّة | شارع مشاة وأدراج (ممرات آمنة وخضراء) | دراجات هوائية | تشجير وتوسعة وفتح شوارع | مواصلات عامة ومواقف | توسعة المدرسة | مركز تدريب مهني نسوي | مركز تدريب حرفي نسوي | مساحات اجتماعيّة ومنتزهات | أماكن ترفيهيّة | مرافق رياضيّة | مرافق خدماتيّة | تحرير المستوطنة (استعادة أراضيها للقرية)



→ طريق الوادي

← طريق الجانية

→ الى رام الله

طريق بيتونيا الجانية

متحف تراثي

ساقية

نا من العيزرية، ف وإحنا صغار ت اتجوزت وإحنا بس بنروح على القدس، يعني أنا بس لما اتجوزت
عرفت رام الله. القدس عن جد حلوة، كتنا نروح على الأقصى نصلي فيه، عالسوق، باب العامود والساحة
المكشوفة، وباب الخليل وباب الزاهرة، كتنا نقر كل باب الزاهرة ومحللاتها وشوارعها. المحلات كلها جنب
بعض زي الأقواس ووساع، لا يُعلى على القدس، يعني درجة أولى! بعدين بتيجي رام الله، لأنني هان
عشت. أنا بحب العيشة في عين قينيا، بلدنا حلوة وخلص اتطبنا فيها. بحب الشجر والدور البسيطة،
مش العمارات.

زمان رجت على مقام أبو العينين، كتنا نروح نصلي ونصوي شموع. لازم يترمم وينزرع ورد وشجر
وحولين البيت بينوا سناسل. لازم ينعمل إشي ثراي زي طابع المحل، متحف أو هيك شي حلو.
انشالله تخيلاتنا تربط!

مريم حسين جربوع



سيرة

خدمات صحية | مخبز | محلات للاحتياجات اليومية | تشجير وتوسعة وفتح شوارع | مواصلات عامة ومواقف | روضة | مركز تدريب مهني نسوي |
مركز تدريب حرفي نسوي | أماكن ثقافية | مساحات اجتماعية ومنتزهات (مع دخولية) | أماكن ترفيهية | مرافق رياضية | مساحات إنتاج اقتصادي (مصنع طوب) |
أحراش (تشجير الأراضي الغير مستغلة) | هدم المستوطنة



→ طريق الوادي

← طريق الجانية

← طريق العتب

→ الى رام الله

مotel الريحان

مotel الريحان

طريق بيتونيا الجانبي

سباقية

منتج


موقف

مدرسة

مبنى التوظيف

مدرسة وصيدلية

مركز تجاري



تخيّل


يا الله شو حايّة أزور القدس! وأنا صغيرة كان أبوي يتعالج فيها وكنّت أروح معه، ما كانت زي اليوم، ١٠ دقائق من قبية وعلى السريع بتوصلي. كانت البسطات على الأرض يا الله ما أحلاها، بس بعرفش، آخر مرّة رُحّت في ٢٠١٣ ما كان في بسطات. لعبتي ظلّت عندي تقريبا ١٠ سنين، على فكرة ألعاب القدس زمان ما كان في زيهن في رام الله. كُنّت أظّل أشم المسك إليّ في القبة. على فكرة، بطلّوا يحطّوا أواعي الشهداء زي أول الإنتفاضة (الثانية)، كانوا يحطّوا زي زجاج وفيهن بلايز بيض، عليهن زي الدم، بس ما شفتهن، بجوز من كثر الناس في الاقصى. هيك كله خضار وشجر سّرو وكّل الناس بوكلوا وبشربوا فيه. يالله يوم يكون في ذكريات، بتحسّي حالك محرومة، انشاء الله يطلعنا تصرّيح برمضان! خلّص شيلينا من سيرة القدس، شوي وبعيّط، حتّيتها عن جدّ!

اتخيّلي لو كل هاظ الجبل فيه إسكان مع الطبيعة، يعني مثلا تخيّلي وانتي طالعة على دارك يكون في عنديك ميّ ومتنزّهات. وعين قينيا لأنها قريبه على رام الله، بينفع يكون فيها مُنتجع مع اوتيل أو مطعم شعبي، وبيزبط فيها ملاهي لأنها إلها أكثر من طريق، بس بسبب الاحتلال بينمّنع حتّى الشجر! لو فُش احتلال بعيش في عكّا، يالله شو في مناظر على التلفزيون بتيجي عن الداخل، بتجنن، واحنا محرومين منها، بس عكّا أحلى شي!

عن جدّ تخيّلي، معقول تتحقّق أيّ من هاي الأمنيات؟!

بيان فيّصل

بيوت مستقلّة (مثل الريحان) | عمارات (سكنية وتجارية) | خدمات صحيّة | محلّات للاحتياجات اليوميّة | صالون للسيدات (مشروع خاص) | شارع مشاة وأدراج | تشجير وتوسعة وفتح شوارع | مواصلات عامة وموقف | توسعة المدرسة | روضة | مساحات اجتماعيّة ومنتزهات | أماكن ترفيهيّة | مرافق رياضيّة | ترميم وتأهيل بنى قائمة



→ طريق الوادي

← طريق الجانية

منطقة سكنية

شارع تجاري

→ الى رام الله

شارع هتة

طريق بيتونيا الجانبي

ساقية

ملاهي مثل
الريحان

مقهى

مدرسة K-1

مكتبة

مركز طبي

مركز تجاري

مركز طبي

تعالى مثلاً لموضوع إضاءة الشوارع، عمّلتُ تقريبا ٨٠٪ من الحياة، أنا ممّي وعليّ صُرتُ أقعد على الشبّاك أتخيّل وهي عمّ تشتي على الضو. أنا وأختي هاديك الليلة قعدنا على الشبّاك، بالعادة ينقُعدش على الشبّاك. شُعور جِلو إنه هيّ في تغيير بَلّش. البَلد كُلها مَطْفِيّة، والضواو مَضويّة، والدنيا بتيشتي، بتسرحي وإنتي بتطلّعي على المنطقة، زي كائتُك ما كُنْتِش عايشة فيها. ما عمريش حَسّيت بالشّتا، بالعادة بَسْ بَحسّ انه الدنيا بتبرعد وبتيشتي وخالص. هالقيت لَمّا في ضواو، بتجسّي بالشّتا وهو نازل على الضو، وشايفتيه كيف هيك بيُهطل، شوې شوې، عن جَد شُعور، بِنجس أنّه بَلّشنا نعيش في مَنطِقة "مُنتعشة". هو إشي بَسِيط، بَسْ بيعمَل تغيير في الواحد. لَمّا الضواو مَضويّات بتسهرّي لوقت ما بَدّك، وبتطلّعي وَقت ما بَدّك بتسألِيش. قِيل كُنْت أتلَمَس حوالين حالي، أشوفها عَتمة أخاف، بَسْ لَمّا الضو مَضوي للِساعة ١٢، عمّ بَرُوح عند إخوتي وبسهر.



تخيّل

إحنا مرّات بِنلجأ للخَيال ليش؟ لأنّه بالواقع ما بتقدري تحقّقي كُل إشي بَدّك اياه. يعني في كثير أشياء بيني وبين حالي بكون نفسي إني أعمَلها، مرّات بَسرح، بتخيّل إني لو صُرتُ هيك وعملت هيك، لوين بدي أوصل. بتحسّي إنك رَح تحقّقي كُل إشي، بس شو، بالخَيال. وبَدّك فَترة حتّى إنه إليّ فَكّرْتِي فيه أو تخيّلْتِيه إنك اتطبّقيه بالواقع .

فداء الخطيب

بيوت مستقلّة (مع حدائق) | عمارات (٥ طوابق) | أراضي زراعيّة | خدمات صحيّة | مخبز | محلات للاحتياجات اليوميّة | محلات تجاريّة | شارع مشاة وأدراج | تشجير وتوسعة وفتح شوارع | مواصلات عامة ومواقف (منظمة) | روضة | مركز تدريب حرفي نسوي (ورشات إعادة تدوير) | مساحات اجتماعيّة ومنتزهات | أماكن ترفيهيّة (دخولية) | أماكن ثقافيّة (مشروع خاص وتمويل ذاتي) | مرافق خدماتيّة | ترميم وتأهيل بنى قائمة | زيادة الارتدادات | محمية طبيعيّة | بحيرة



→ طريق الوادي

← طريق الجانية

حدائق القراءة

→ الى رام الله

طريق بيتونيا الجانية

ساقية

مدرسة بيتونيا

محل لياقي محل لياقي محل لياقي

مدرسة بيتونيا



شيكل

أغلب نِسوان القرية كانن يخبِرن على النار، بس اليوم مِتَمَدنات، زِيّ أنا يَعني، أنا بشتري الحُزْب مِشْتَرِي
وبتمنى لو حدا يخبز بالبلد وأشتري منه بَدَل ما بيحيوه من بَرّة.

أنا بَحَب مُنتزَه قَدّورة في رام الله، البنات يَنبسطوا كثير، في ألعاب، وفي كَنْتين شو ما يدهم بيشتروا
منه، وفي ساحة للرياضة. من ناحية مادِيّة الدخولِيّة يا شيكل يا شيكلين، أنا مِش ذاكر بالزبط لانه
جوزي بِحاسب، بَس إنه يعني يتدَفَعِي إشي رمزي لأنها تابعة للبلدية. يَعني لَمّا يَنروح على نابلس أو على
الباذان، التذكرة بِجوز على الواحد ٢٠ شيكل. أو على النجمة مول مثلا، فِش تَذكرة بَس يتحطِّي على
اللعبة إِلِي بَدّه يركبها الطُفل مِصاري ويتجمّع مَبْلغ... إِلِي مِش حلو في قدورة إنها جاي في منطقة
محصورة بين دور وما بتقدر تتوسع.

أنا بَحَب أبعد عَن الأحياء السَكَنِيّة، بَحَب المناطق إِلِي فيها طبيعة، بترتاحي نفسيا. بَحَب كل مكان فيه
شجر، بَحَب الدار المستقلّة إِلِي محوطة زَرِيعة. بَحَب هاديك المنطقة يوم يَنقَطع الواد، بَحَبها لأنها
هادية ومفِش فيها حَد. الريحان، البيوت المستقلّة فيها حلوة، وفي كمان الحي الدبلوماسي حلو... حلو
ومِش حلو، يعني الحلو البيوت المستقلّة والشجر، والشوارع نظيفة، وفي حاويات، والشوارع واسعة
ومنيحة، بتحسّيها راقية. بَس يتحسّي أنها فِش فيها حياة، يعني أنا بحسّها مناطق للموظفين، بَس
مِش للناس الطبيعيين إِلِي زَيّنا، يعني بس للناس إِلِي عندهم بيزنس.

يا الله ما أحلى التَخِيل. تَجري الرياح بِمِالا تَشتهي السُفن!

نعمة جوده محمد يعقوب

بيوت مستقلّة (مع حدائق، مثل الريحان) | خدمات صحّيّة | مخبز | محلّات للاحتياجات الخاصة | محلّات تجاريّة | تشجير وتوسعة وفتح شوارع |
مواصلات عامة ومواقف (تقليل سعر المواصلات) | روضة (مشروع خاص) | مساحات اجتماعيّة ومنتزهات | أماكن ترفيهيّة | مرافق رياضيّة | مكتبة |
أحراش (تشجير الأراضي الغير مستغلّة) | شبكة صرف صحي

والله أنا بحسّش أنه في أحلى من المكان إليّ انولدت فيه. المدينة إليّ أنا عشت فيها، جنين، أو أكثر، هو الحي إليّ كنت ساكنة فيه في البلدة القديمة، بتحسيه بيت كبير كبير وفيه أكثر من عيلة. من الشبابيك بتطلّي على السوق، خطويتين بتكوني في نص السوق. في رمضان بتلاقي السفرة ألف صحن، بتحسي مش كل إشي بالحياة لازم يكون فيه مطاعم وكوفي شوبات وطلعات وفوتات، هي الحياة بالناس نفسها. هي بالذات حارتنا، زي المخيم، الحيطه عال الحيطه، بقينا لما بدنا اشي بس ندق على الحيط، يسمعوننا جيارانا، "إيش بدك؟" يسألونا، ونقلهم من ورا الحيط، ومن الشباك بين البيتين بنتناقل الأشياء. هناك كمان البرندات معلّقين بالهوا، تبقى جارة على هاي البرنده وجارة على هاي البرنده، وجارة هناك ويحكوا مع بعض. الساعة ٧ الصبح بكون نايمه، خلص بيكون باب دارنا مفتوح والجارا يفوتوا عتّا، بصحى على صوتهم وهم بشربوا قهوة، وبروحن تنتين، بيجين ثلاثة، وهيك. كشكلا، هي الحارة كشكلا! وكاين زمان زمان عتّا بالحارة في سينما، واحنا لحد اليوم بنسميها "سينما". أهل الحارة لما يدهم يعملوا مناسباتهم فيها بعرها طري، ٤٠٠ او ٥٠٠ شيكل، وكثير كبيرة، وئضمّد العرسان على المسرح، حلو الإشي! لما خطبت أنا أبوي بيحكيلي: بدي أسويك بالسينما، قلتله لا والله يجوا أهل رام الله وأقعد قبالهم على المسرح؟! فعملت خفلي التوجيهي فيها بس الخبطة في قاعة بعيدة عن الحارة. بحس لو بيتحقق هاد التخيل، هيك بتصفي البلد تمام التمام!



شيكلا

رماء أكرم حسونة

بيوت مستقلة (مع حديقة) | أراضي زراعية | مخبز | محلات للاحتياجات اليومية | محلات تجارية | صالون للسيدات (مشروع خاص) | تشجير وتوسعة وفتح شوارع | مواصلات عامة ومواقف (منتظمة) | توسعة المدرسة | روضة | مركز تدريب حرفي نسوي | مساحات اجتماعية ومنتزهات | أماكن ترفيهية | مرافق رياضية | مرافق خدمتية | ترميم وتأهيل بنى قائمة | أحراش (تشجير الأراضي الغير مستغلة) | كاميرات مراقبة



طريق الوادي →

← طريق الجانية

منطقة سكنية

→ الى رام الله

محل قدورة

طريق بيتونيا الجانية

ساقية

مركز بلدية
وخدمات الطلاب

المدخل الغربي

مدرسة

بِحُبِّ بِالْمَكَانِ إِلَيَّ بَتَحَيِّلِهِ يُكَونُ كَلْشِي سَهْلُ الْوَصُولِ لِإِلَهِ، لِلخَّدَمَاتِ أَوْ التَّعْلِيمِ أَوْ إِذَا صَارَ مَعِيَ حَادِثٌ أَوْ إِشْيَ أَكُونُ قَرِيبَةً عَلَى الْمُسْتَشْفَى وَهَيْك، مِشْ بَدِّي وَقِتْ تْ أَوْصَلْ. زِيَّ مَا يَنْشُوفُ فِي الْمَسْلَسَلَاتِ التَّرْكِيَّةِ، طَبْعاً تَرْكِيَا فِشْ بَعْدَهَا، وَإِنَّهُ كَيْفَ عَائِشِينَ مَعَ الطَّبِيعَةِ. فِي عِدَّةِ مَنَاطِقَ إِلَيَّ فِيهَا بِيوتَ كَثَرًا، لَوْنُهُمْ أَبْيَضٌ وَقَرِيبَاتٌ مِنْ بَعْضِ، وَعَلَى الْبَحْرِ، وَفِي نَصِّ الْمَدِينَةِ. مِينَ مَا يَحِبُّ الْبَحْرَ وَيُسْكُنُ فِي مَحَلِّ زِيَّ عَكَّا؟!



سَمِيكَة

يَعْنِي أَنَا بَحِبُّ الْمَنْطِقَةَ إِلَيَّ بَعِيشَ فِيهَا تَكُونُ مِشْ بَعِيدَةً عَنِ الْمَدِينَةِ وَمِشْ صَغِيرَةً، لِأَنَّهُ يَوْمٌ تَكُونُ صَغِيرَةً مَا بِيكُونُ فِي خَدَمَاتِ وَالْأَشْيَاءِ الْأَسَاسِيَّةِ إِلَيَّ بِنَحْتَاجِهَا، مَا يَتَكُونُ مَتَوَفَّرَةً. دَارُ سَيِّدِي فِي قَرْيَةٍ إِسْمُهَا قَطِّتَّةٌ، هِيَ كَبِيرَةٌ وَفِيهَا كَثِيرٌ دُورٌ، وَفِيهَا كُلُّ الْخَدَمَاتِ إِلَيَّ بِدَكَ إِيَّاهَا: صَيْدَلِيَّةٌ، سُوْبَرْمَارِكَاتٌ، مَخَابِزٌ، مَحَلَّاتٌ أَوْاعِي. أَنَا يَوْمٌ بَدِّي أَرْوَحُ عَلَى الْجَامِعَةِ لِأَزْمُ أَوْصَلُ رَامَ اللَّهِ وَسَطَ الْبَلَدِ أَوَّلًا وَبَعْدِينَ آخِذًا فُورِدَ تَانِيًا عَلَى الْجَامِعَةِ، مَعَ إِنَّهُ فِي طَرِيقٍ مِنْ عِنَا مِنَ الْبَلَدِ بَتَوْخِدُ ١٠ دَقَائِقَ، بَسْ فِشْ مَوَاصِلَاتٍ عَلَيْهَا. وَالْمَدْرَسَةُ إِلَيَّ بِالْبَلَدِ، لِأَزْمُ التَّعْلِيمَ فِيهَا يَتَغَيَّرُ وَيَتَحَسَّنُ. وَمِشْ بَسْ التَّعْلِيمَ، يَعْنِي بِيَلْزَمُ مَكَانَ يَعْْمَلُوا فِي إِشْيَ مِثْلَ مَخِيطَةِ أَوْ مَكَانَ يَتَدْرَبُوا فِيهِ الطَّلَّابُ، وَهِيَ الْفَتْرَةُ إِلَيَّ النَّاسُ بِيَتَعَرَّفُوا عَلَى بَعْضِ. عَنَّا الشَّبَابُ بِيَلْتَقُوا كَثِيرًا، فِي الْقَهْوَةِ أَوْ فِي نَصِّ الْبَلَدِ، أَمَا الْبِنْتُ بَتَضَلُّ فِي الدَّارِ لَحَدًا مَا تَتَجَوَّزُ.

يَعْنِي هَسَّا عَن جَدِّ رَحَّ يَصِيرُ إِشْيَ فِي عَيْنِ قَيْنِيَا؟ انْشَا اللَّهُ تَصِيرُ الْبَلَدُ أَحْسَنَ

رزان جمال علقم

بيوت مستقلة (مع حدائق، شبكة مربعة مثل برشلونة) | خدمات صحية | مخبز | محلات للاحتياجات اليومية | محلات تجارية | شارع مشاة وأدراج | تشجير وتوسعة وفتح شوارع | مواصلات عامة ومواقف (منظمة) | مساحات اجتماعية ومنتزهات | أماكن ترفيهية | مرافق خدمتية (للطلبة)



→ طريق الوادي

← طريق الجانية

منطقة سكنية

طريق بيتونيا للجانيين

→ الى رام الله

ساقية

مدرسة

مدرسة ثانوية

مدرسة تكنولوجية

مكتبة

محل تجاري

محل اكل

مركز طبي

مركز

مركز

مركز

مركز

مركز

مركز

في بلد إسمها تُرمسعيّا، بحبّ مدخلها كثير كثير، هيك عريض وجميعه شجر نخيل على الجهتين، كثير حلو. وشوارع رام الله مثلا، كيف مبلّط كثير جلو، شارع رُكّب وشارع الوردة الحمراء، كل الشارع أرصفة وزرع، وفي حاويات للزباله، وفي بسطات ذرة أو قهوة، وفي بلكونه عليها ورد، وفي محلات قديمة والبني قديم مع بلاكين على الشارع، وطوابق فيها ناس ساكنين أو مكاتب محامين أو دكاترة؛ يعني كلو مع بعض كثير جلو المنظر، بترتاحي وانتي ماشية فيه ويتكوني مبسوطه. هسّا شارع الجسبة، هي أصلا بلدة رام الله القديمة، فيها سگان من زمان زمان والمحلات إالي فيها بتحسي الروح القديمة، أما شارع رُكّب أو شارع الإرسال هذول للرأسمالين أكثر.



نعيمه

هاي البلد، عين قينيا، بحبها كثير كثير، خاصّة بالربيع لما يتكون خصرة خصرة وبيجي عليها كثير زوار، وهاظ اشلي مَنيح. في الجبل هاظ في قلع زبي التلّ وقباله البيارة، كاشف البلد والواد وفي أشجار مختلفة: مشمش ولوز وبلوط؛ يعني يتكوني كاشفة كلشي مع الخضار والمي ويتضلي للغروب، من هُناك المنظر خرافي! مرّة صدقت كُنا مروحين والجيش كانوا ماشيين، احنا عادي ضلينا ماشيين، يعني هاظ الاشلي احنا متعودين عليه. بيكون جلو لو حطوا مقاعد وتسنسل، أو يعملوها زي منطقة وادي الباذان . يعني ممكن إذا الجيش بده يتوسع، مُمكن يوخذوها. أنا بفضّل الريف أكثر من المُدن، ولو اتو التخيّل إالي عملته حطيت فيه تقريبا كلشي بيعملوه في المدينة!

نعيمة هشام لملح

بيوت مستقلة (مع حدائق) | أراضٍ زراعية (زراعة البيارة) | خدمات صحية | مخبز | محلات للاحتياجات اليومية | محلات تجارية | شارع مشاة وأدراج | تشجير وتوسعة وفتح شوارع | مواصلات عامة ومواقف | دراجات هوائية | توسعة المدرسة | روضة | مركز مواهب أطفال | مساحات اجتماعية ومنتزهات | أماكن ترفيهية | مرافق رياضية | أماكن ثقافية | ترميم وتأهيل بنى قائمة | شبكة صرف صحي



→ طريق الوادي

← طريق الجانية

→ الى رام الله

طريق بنتوفا الجانية

ساقية

مكتبة

مدرسة

مكتبة

مدرسة

مدرسة

مكتبة

مدرسة

أكثر مَدِينَة حَبَّيْتَهَا هِي بَيْت لَحْم، فِي شَوَارِعِهَا إِضَاءَة جِلْوَة وَأَمَاكِن تُرَاثِيَة وَقَعْدَات وَشَجَر. حَسَّيْت شَوَارِع بَيْت لَحْم زِي كَيْف شَوَارِع إِسْرَائِيل، أَوْ زِي شَوَارِع الطَيْرَة، كَيْف تَرْتِيْبَهَا بِيَكُون نَفْس هَاد الْأَسْلُوب، مَخْطَطَة وَمَبْنِيَّة، إِطَارَات الرِّصِيف وَالْحَزُوز إِلَيَّ فِي النِّص، الْإِشَارَات وَبَيْن تَمْشِي وَالْإِضَاءَة الْعَالِيَة، وَشَجَر وَوَرْد بِيَكُون طَالَع جَدِيد أَوْ بِيَكُون إِلَه سَنِين بَس مَرْتَب. وَالْبَلَدَة الْقَدِيمَة مَعَ شَوَارِعِهَا الضِّيْقَة وَالْمَمْرَات الصَّغِيرَة بَمُوت عَلَيْهَا! أَهْل الدَّوْر نَفْسَهُمْ حَاطِّين إِضَاءَة بَرَّ وَأَشْيَاء تَانِيَة، وَفِي دَرَج كَثِير طَوِيل كَثِير حَلُو. وَفِي عِنْدَهُمْ كَمَا نَ شَارِع أَطْن إِسْمُهُ شَارِع الْجَامِع أَوْ شَارِع الْمَسْتَشْفَى، كَلِّيَاتِهِ حَبَال إِضَاءَة لَافِينَهُ عَلَي الشَّجَر الْكَبِير، وَمَنْ تَحْت كَمَا نَ مَطْلَعِين زِي حَجَار وَبَانِينَهَا عَلَي بَعْض، وَمَطْلَعِين شَجَر بِالنِّص وَلا فِين عَلَيْهِ بَرُضُو حَبَال إِضَاءَة.



سَمِيْلَة

مِنْ الْمَنَاطِق إِلَيَّ أَنَا حَبَّيْتَهَا بَرُضُو وَسَط الْمَدِينَة بَرَام اللَّهُ، شَارِع الْمَعَارِض بِحَبِّهِ كَثِير وَطَبِيعَتُهُ، كَيْف الْمَحَلَّات وَالْحَجَار الْمَصْفُطِين عَالِأَرْض، عِنْد الْأَمْرَاء وَعِنْد مَيْس الرِّيم، وَالْإِضَاءَة فِي اللَّيْل كَمَا ن. وَكَمَا ن بَحَبُّ الْبِيُوت الْقَدِيمَة إِلَيَّ عَنَّا فِي الْبَلَد، بَس بِدَهَا تَرْتِيْب عَشَان تِطَلَع جِلْوَة، مَمَكِن يَنْعَمَل مَطْعَم فِيهَا، هُمْ نَفْسَهُمْ أَصْحَاب الْبِيُوت يَعْمَلُوا أَي مَشْرُوع لِأَنَّهُ مَا حَد بِيَرْضَى يَعْطِي الْبِيُوت الْقَدِيمَة لِحَدَا، يَعْنِي يَكُون مَكَان يَلْتَقُوا النَّاس فِيهِ. هِي صَحَّ مَنَطِقَتْنَا جِلْوَة كَثِير، بَس كَثِير فِيهَا تَخْرِيْب، عَشَان هِيَك مَش مَبْنِي جَمَالِهَا. وَفِي عِنْدِكَ الْمَنْطِقَة إِلَيَّ فِيهَا النَّبَع تَحْت عَلَي الْوَاد، كَثِير كَثِير جِلْوَة، يَكُون فِي أَشْيَاء عَام، لَوْ أَنْحَط فِيهَا شَجَر وَمَقَاعِد وَهِيَك أَشْيَاء مَرْتَبَة بِتِطَلَع أَرْقَى كَثِير!

إِخْلَاص الْخُطِيْب

بِيُوت مَسْتَقَلَّة (مَعَ حَدَائِق) | عِمَارَات | خِدْمَات صَحِيَّة | مَخْبِز | مَحَلَّات لِلاَحْتِيَاجَات الْيَوْمِيَّة | صَالُون لِلْسَيَدَات | حَلَّاق | شَارِع مَشَاة وَأَدْرَاج | تَشْجِير وَتَوْسِعة وَفَتْح شَوَارِع | مَوَاصِلَات عَامَة وَمَوَاقِف (مَعَ حَدِيقَة) | دَرَجَات هَوَائِيَّة | تَوْسِعة الْمَدْرَسَة (نَقْل) | رَوْضَة | مَسَاحَات اجْتِمَاعِيَّة وَمَتَنَزَهَات (دَخُولِيَّة) | أَمَاكِن تَرْفِيْهِيَّة | مَرَاقِق رِيَاضِيَّة | مَكْتَبَة | مَرَاقِق خِدْمَاتِيَّة | تَرْمِيم وَتَأْهِيْل بِنَى قَائِمَة | خِدْمَات مَالِيَّة | مَسَاحَات إِنتَاج اقْتِصَادِي | جِسْر (فَوْق الْعِبَارَة)



→ طريق الوادي

← طريق الجانية

→ الى رام الله

طريق بيتونيا الجانية

ملاهي مائة

ساقية

مركز البلدية
مركز البلدية
مركز البلدية

مركز البلدية
مركز البلدية

مركز البلدية
مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

مركز البلدية

حايب أروح على تركيا! أنا بَحَصَر مُسَلْسَل اسمه "الطفل"، الحَيِّ إِلِّي فِيهِ الْأَحْدَاث جِلو، جبال وحدائق مُعَلَّقَة وَبَحْر، وفي عندهم تُرَاث، مَلَان أَشْيَاء عَجَبْتَنِي: طَرِيقَة أَعْرَاسَهُمْ حِلوة، وعاداتهم وتقاليدهم، زي لَمَّا يَحْتَوِ الْعَرُوس بَقَعْدُوها فِي النَص وَبيلبسوها أَحْمَر وَبيلفوا ذيلها، هاي حلوة، إِحْنَا فِيش عِنَا هَيْد، يعني بِيَعْمَلُولها سَهْرَة فِي اللَّيْل. فِي مَسَلْسَل "لَا أَحَد يَعْلَم" أَعْجَبْتَنِي المِيناء، النَّاس عَاشِينَ فِي بَلَد بَس بِيروحوا عَلَى المِيناء فِي السِيارة. بَتَشُوفِي قَوَارِب وَسُفُن وَالنَّاس بِيروحوا يَشْمُوا الهُوا فِي البَحْر. وَفِي جَزِيرَة فِي نَص البَحْر فِيها بِيوت قَدِيمَة زِي البِيوت القَدِيمَات إِلِّي عِنَّا، وَفِيها مَطَاعِم عَشَان يروحوا النَّاس يَقَعْدُوا فِيها. فِي مَسَلْسَل "نور ومهند"، فِي القَصْر القَدِيم إِلِّي مِن زَمَن العُثْمَانِيين، جِلو هَاط البَيْت، حَسِيْتِه قَدِيم جَدًّا، يعني تُرَاث. أَنَا عَن جَدِّ بَحْبِ الدُّور القَدِيمَة المَرْمَمَة أَكْثَر مِن القَلل.



صمود لملح

تخيّل

عمارات (تجارية) | خدمات صحّيّة | محلّات للاحتياجات اليوميّة | محلّات تجاريّة | تشجير وتوسعة وفتح شوارع | مواصلات عامة ومواقف | توسعة المدرسة | روضة | مركز تدريب حرفي نسوي | مساحات اجتماعيّة ومنتزهات | أماكن ترفيهيّة | مرافق رياضيّة | مرافق خدماتيّة | ترميم وتأهيل بنى قائمة | بازار



→ طريق الوادي

← طريق الجانية

شارع تجاري

→ الى رام الله

طريق بيتونيا الجانبي

ساقية




تعمير

من حَد ما خُلِقْتُ وهو فِش تَغْيِير، خَفِيف، يَعْنِي هَاي الْبَلَد مِش مَيُؤُوس مِنْهَا، هِي مُنِيحَة، بَس لَازِم تَكُون أَرْتَب. يَعْنِي مَلَان أَرَاضِي، بِيَقْدَرُوا يَزْبَطُوا أَكْثَر وَيَزْرَعُوا، بَس مَا حَد زَارِع. الْوَرْد مَا بِيَلْزَمْنَا، بِيَلْزَمْنَا شَجَرَة نَوَقَّف تَحْتَهَا بِالْحَرِّ عِنْد الْمَوْقِف. مَا بَدِّي الْبَلَد تَصِير زِي رَام اللّٰه، كَثْرَة سُكَّان وَصَجِيح وَفَوْضِي. يَعْنِي أَنَا يَوْمٌ أَرُوح عَلَى دَار أَخُوِي، سَاكِنِيْن فِي إِم الشَّرَايِط فِي عَمَارَة، الْجَار بِيَحْكِيْش مَعَ جَارِهِ "مَرْحَبَا"، بَقْعُد سَاعَتِيْن، ثَلَاث، بَس مَا بَصَدَّق وَأَنَا أَرْوِّح. لِيْش يَنْجِشْرُوا بَنَاتِي؟ يَعْنِي هَانَ عِنَّا إِذَا بَدْهَم يَطْلَعُوا، بِيَطْلَعُوا عَلَى الشَّرَاع، عَلَى الْحَاكُورَة، عَلَى الدَّكَان. هُنَاكَ إِذَا بَدْهَم يَطْلَعُوا بِيَصِير "أَوْعَى السِّيَارَة" وَ"أَوْعَى الشَّرَاع".

هَاي الْعُرْفَة الِي سَنَتِيْن قَاعِد فِيْهَا، وَلَسَا زِي مَا شَايْفَة مِش جَاهِزَة. بَدِّي أَعْلَمُ بَنَاتِي بِزِيَادَة، مِش قَادِرَة. بَدِّي أَسَاوِي شِي مَشْرُوع، مِش قَادِرَة. أَنَا بَشْتِغَلْ بِالْتَطْرِيْز، بَس عَالِفَاضِي، فِش نَتِيْجَة، بَصَفِّي وَلَا اِشِي، الْحَيَاة غَالِيَة وَكُلُّ مَا أَطْلَع عَلَى رَام اللّٰه بِيَجِيْنِي اِشِي. مِثْلًا، بَحَصَّلْ أَرْبَع أَوْ خَمْسَمِيَّة شِيكَل، بِقَوْل بَدِيْش أَوْخِذْهِن، بَدِّي أَسْوِي فِيْهِن اِشِي لِلدَّار، أَوْ فِي عَلِينَا جَاي مُنَاسِبَة وَلاَزِم أَشْتَرِي اِشِي؛ بَتِيْجِيْنِي وَاحِدَة بِدْهَآ تَخْلَع طَاخُونَة، أَوْ وَاحِدَة مَرِيضَة لَازِم تَرُوح عَلَى الدَّكْتُور. بَرُوح بَدِّي أَشْتَرِي أَغْرَاض، مَعِي مِيَّة أَوْ مِيْتِيْن شِيكَل، مَا بَخْلَصْ إِلَّا هُو فِش وَلَا شِيكَل! شُو بَدِّي أَسَاوِي؟ حَتَّى إِي بَشْتِغَلْ مَعَهَا، بِتَقُولِي "كُلُّ مَا بَتِيْجِي بِدِّكَ مَصَارِي"، بَحْكِيْلَهَا فِي اِشِي صَرُورِي، بِتَقُولِي "لَمَّا تَخْلَصِي بِتَطْلَعِي بِ وَلَا اِشِي... اللّٰه بِيَعِيْن، شُو مَا بَتِشْتِغَلِي عَلَى الْفَاضِي، بَس عَشَان اللَّقْمَة، بَتَّحْطِي اللَّقْمَة فِي بَطْنِيْكَ وَخَلَّصْ.

بَدِّي تَلْفَرِيْكَ، عَشَان أَوْصَل عَلَى الْبَلَد بِسُرْعَة. وَبَدِّي أَنْقَلْ دَارِي عَلَى الْمَرْج، بَدِّي أَحْطَهَا هُنَاكَ أَحْلَى اِشِي؛ وَلَا بَس الْيَهُود يَحْطُوا؟ لُو يَعْرِفُوا الْيَهُود شُو بِنَسَاوِي وَشُو بِنَخْطِطْ بِبِفَضْحُونَا. عَم نِتَحَيَّلْ شَغَلَات عُمَرَهَا مَا بِتَصِير!

عفاف علقم



→ طريق الوادي

← طريق الجانية

→ الى رام الله

طريق بيتونيا الجانية

مساكنية



تخيّل

أول ما إحييت على البلد بَقَّت المنطقة تَحْتُ على الوادِ جَنَينِ كُلهَا ليمون وسَجَرِ وَبَقَّتْ مَيَّ أَبْرَكُ، اشي بَجَنن! كان في بيوت قَدِيمَاتِ في النص، وبركة من هان وبركة من هان، والوادِ شَغَالِ صيفِ شتاء، إِلَيَّ بيصيد سَمَكِ وَإِلَيَّ بيسبح. أنا بَقَيْتِ أَخَذُ بَنَاتِي، وأنا وَسِلفَاتِي نُطْبُخُ أَي طَبْخَةَ بَتِيحِي على بالنا، نُقَعِدُ والله ما يندري عَن الوقت! كثير بَقَى فِيهَا مَنَاطِقَ حِلْوَةَ البَلدِ، بَسْ صار إِلَيَّ بِدَه حَطَبٌ يروح يُقْصُ مِن الشَجَرِ، فَصَوَا كُلَّ الشَجَرِ، بيجوز بِتَعَدِّي فوق ال ٤٠٠ شَجَرَةَ ليمون وبرتقال وجَوَافَةِ، شو ما بَتَمَّتِي فِي، شَكَلَ الحَبِّ إِلَيَّ كان يبقَى عليهن أَيَّامَ الشِتَاءِ بَجَنن. كُلهُ فَصَقْصوه وأخذوه وَبَطَلْ إِلَها شِكَلِ مِن مَرَّة، هَسَّا صارت لِلعَنَمِ يرعين فِيها. أَيَّامَ بَقَيْتِ هِيكَ أَنْزَلَ بَدِّي رَذْفُ، عَشَانِ فُرْنِ النارِ بَقَيْتِ أَخْبِزِ عليه. وَبَقِينَا نَلْعَبُ فِي المَيِّ، بَقِينِ بَنَاتِي يَعْجِنُ لَبْصَ (طينة) وَيَبِينِنِ بالحِجَارِ، بَسْ هَذَا الجِيلِ فِشِ نَعْمَلَهُ هِيكَ لَانَّهُ الطِيرَةَ بَتَنْزَلُ المَجَارِي عَلِينَا. إِلَيَّ تَقْرِيْبًا ٥ سَنِينِ بَنْزَلْشِ أَقْعُدُ هَنَاكَ، بَسْ بَمَرْقُ وَقتِ الزَيْتون. هَسَّا اتجَوَّزِنِ بَنَاتِي، لا بَرُوحُ أَلْقَطُ رَذْفُ ولا بَخْبِزِ على النار.

هاي الطريق بَقِينَا نروح مِنْهَا عِنْدَ البَدْوِ، كثير حِلْوَةَ لَانَّهُ فِيهَا شَجَرِ، نروح نِمَشِي وَنَمَيِّلُ عِنْدَهُمْ، حِلْوَةَ القَعْدَةِ مَعَهُمْ، بَقِينَا نُقَعِدُ نَتَسَلَّى، نَسْمَعُ حَكِيمَهُمْ إِلَيَّ غَرِيبِ عَن حَكِينَا وَنِتَخَرَّفُ مَعَهُمْ. بَقِينِ بَنَاتِي صِغَارِ، فِي عِنْدَهُمْ حَمَامِ وَجَاجِ وَبَطُ وَعَنَمُ، وَبَقِينَا نَأخِذُ مَخِيضِ (لبن للشرب) مَرَّاتٍ مِنْهُمُ وَحَلِيبِ.

أَصْلًا أَنَا بَفَهَمَشُ للخرايطِ، كَيْفِ مَشَيْتِ مَعَكَ وَاللَّهُ مَا أَنَا عَارِفُ! شَوْفِي، كُلَّ إِلَيَّ حَطِيئَتِهِ بِنِعَانِي مَنَّهُ.

التَّخَيُّلُ وَاللَّهُ اشي بَجَنن!

نداء جهاد مزارعة

بيوت مستقلة (مع حدائق) | أراضي زراعية (زراعة البيرة) | خدمات صحية | مخبز | محلات للاحتياجات اليومية | محلات تجارية | صالون للسيدات | حلاق | تشجير وتوسعة وفتح شوارع | مواصلات عامة ومواقف | روضة (تعمل بها) | مركز تدريب مهني نسوي | مساحات اجتماعية ومنتزهات | أماكن ترفيهية | مرافق رياضية | أحراش (تشجير الأراضي الغير مستغلة) | ترميم وتأهيل بنى قائمة | مساحات إنتاج اقتصادي



طريق الوادي →

طريق الجانية ←

الى رام الله →

طريق بيتوهذا الجاني

ساقية

في الجِلم!... في التِّلْفِزيون، يعني أنا بَحَصْرُ مُسَلْسَلات، بتكوني تَحْصِري وبتَعْمُضي عينيكي وبتَحْكي يا الله لو في عِنَّا هيك. مثلاً الجِسرِ إِلَيَّ بيكون مُعَلَّق في تركيا هَاط فَطِيع، بَس مُسْتَحِيل في القرية يصير عِنَّا زَيْه! خَلِينا نَحْكي في فلسطين بِسِكِل عام، علاقة الناس في بَعْضُهُم هي إِلَيَّ اِخْتَلَفَتْ. أنا شو شُفْتُ في المُسَلْسَل، بيتعاونوا الجيران، بيحكوا مع بَعْض، بيجوا على بَعْض زيارات، مِش زِي هان كُل واحد لحاله، منقطعين فِش تَرابُط، إلا إذا في عُرْس أو حُزْن. لو في مَحَل طَبِيعَة مَثَلًا، حَدِيقَة صُغِيرَة، هيك مَثَلًا مَحَل صُغِير زِي مطعم شَعْبِي. لو في بَكل بيت حَدِيقَة، بَلْكونَة، وَقْدَامِك حَضَار أو شَجَر، هو الاشِي إِلَيَّ أنا فافَدَه في داري. ولازم يصير في اشِي أَلْعاب لِلصغار، سَحاسيل، مَرَجِيج، عَشان وهم ماشيين كَزْدورَة مَثَلًا، يَمِيلُ، يجيبوا إِلَيَّ مَعها أولاد مَثَلًا يَلْعَبوا ويقْعُدوا ويدْرِدشوا. ولبش ما يكون في قِطار خَفِيف؟ اها، خَلِيه يكون بين القُرَى زِي القُرَى الهِنْدِيَّة، مَرَّة شُفْتُها بُنْمَرُق من بين القُرَى، حَتَّى بيكون في مَبَسَّطين والقِطار بيكون مارق من النُص!

إِسْمَعِي، أنا بِدِّي أَحافِظ على الطابِع القَرَوِي، تَنْسِيش إنه قَرِيننا كُلهَا عُيون مَيَّي وَحَضَار، بِدِّي اياها تكون قَرِيَة بَس مِتَطوَّرَة، يعني مِش تَقْلِب مَدِينَة ودور مُطَنطِرَة فوق بَعْض. إحنا بَس پدنا الأَساسِيَّات: مَدْرَسَة وروضة وِعِيادَة، الطريق الفاضية يكون فيها إَنارات، والمَيَّي اتَصَل زِي ما هي، والشَجَر زِي ما هو، عَشان بِدِّي أَخَلِيها طَبِيعِيَة على ما هي.

سماح فضل يحيى



سماح

خدمات صحّية (مع طوارئ) | مخبز | محلات للاحتياجات اليومية | محلات تجاريّة | صالون للسيدات | حلاق | شارع مشاة وأدراج (ممرات آمنة وخضراء) | تشجير وتوسعة وفتح شوارع | مواصلات عامة ومواقف (عمارة) | توسعة المدرسة | روضة | مركز تدريب حرفي نسوي | مساحات اجتماعية ومنتزهات | مرافق رياضية | مرافق خدمتية | أحرش (تشجير الأراضي الغير مستغلة) | بازار | قطار خفيف

الجَزيرة، بِعَظْمِ النَّظَرِ يَعْنِي بِيَكُونِ فِي شَجَرٍ وَبِتَكُونِ مَيِّ وَطَبِيعَةَ، هَادِ اشِي أَنَا بَمَوْتِ فِيهِ. جَزِيرَةُ قُبْرَصِ هَاي حَبِّبَتِهَا، شُفَّتِهَا عَلَى التِّلْفِزِيُونِ زِي بِبِرَنَامِجِ وَثَائِقِي. بَتَذَكَّرُ الشَّجَرَ وَالْمَيِّ فِي النُّصِّ وَحَوَالِيهَا اشِي حَلُو، بِنَايَاتِ، طَبِيعَةَ، يَعْنِي مِشْ بِنَايَةَ صَخْمَةَ، كُلُّهَا مُتَسَاوِيَةٌ، وَأَقْرَبُ لِلطَّبِيعَةِ أَكْثَرَ. شِكْلُهُمْ بِنَايَاتِ عَادِي، اِسْمُنْتُ، بِيضِفُولُهُمْ مِنْ فَوْقِ خَشْبِ، مِشْ قَرْمِيدِ، قَدَّامَهَا بِرِكَّةٌ مَيِّ مَعَ وَرْدٍ وَهَيْكِ بِيَجِي جَنْبَهَا زَيِ بُسْتَانِ لِلزَّرَاعَةِ.



سَمِيلَةٌ

أَهْمُ اشِي بِدِّي يَكُونُ فِي نُصِّ البَلَدِ مُجَمَّعِ خَدَمَاتِ، إِنَّهُ يَشْمَلُ مَثَلًا عِبَادَةَ صِحِّيَّةِ، مَقَرَّ لِلْمَجْلِسِ الْقَرَوِيِّ، وَرَوْضَةَ أَطْفَالِ، وَأَكِيدُ مُحْتَاجِينَ بِالدَّرَجَةِ الْأُولَى اشِي خَاصًّا لِلنِّسَاءِ. يَعْنِي إِذَا بَدْنَا نَلْتَقِي مَعَ نِسَاءِ الْقَرْيَةِ، أَوْ إِذَا فِي نَدْوَةٍ، مَا بَدْنَا نَرُوحُ عَلَى قَهْوَةٍ، مَا بَدْنَا نَرُوحُ عَلَى الْمَجْلِسِ، بَدْنَا مَكَانَ مُسْتَقَلِّ خَاصًّا بِالنِّسَاءِ. وَحَابَّةٌ يَعْمَلُوا أَسْوَارًا، هَاي نُقْطَةُ مُهْمَةٌ جَدًّا. يَعْنِي ائْتَلَّعِي أَنَا، هُونِ عِنْدِي جَنْبِ بَيْتِي مِشْ قَادِرَةٌ أَعْمَلُ سَوْرًا، رُوحِي شُوفِي الزِبَالَهَ كَيْفِ، بَدْنَا نُقْطُفُ الزَيْتُونَ، بَسْ مِلْيَانِ زَبَائِلِ، مِشْ قَادِرَةٌ أَزْرَعُ اشِي حَوَالِينَ بَيْتِي، لَيْشْ؟ لِأَنَّهُ فَالِتٌ وَفِي عِنَّا كِلَابٌ ضَالَّةٌ وَحَيَوَانَاتٌ بِتَشِيلِ الزَبَائِلِ وَبِتَصِيرُ تَشْحُوطٌ فِيهَا بِالشُّوَارِعِ وَتَحْتَ الشَّجَرِ.

بَسْ يَرُوحُوا الْمَسْتَوْتُونِ اللهُ كَرِيمِ اِنْشَاءَ اللهُ، حَابَّةٌ يَكُونُ فِيهَا زَيِّ مَا تَحْكِي حَدِيثَةً مَعَ قَعْدَاتِ مَعَ مَلَاهِي تَكُونُ مُوسَّعَةً، وَأَنَا بِدِّي أَوْخِدُ وَاحِدَةً شَقَّةً مِنْهَنْ. قَبْلُ مَا سَكَّرْتُ الطَّرِيقَ، كُنَّا وَإِنَّا نَازِلِينَ عَلَى أَهْلِي، كُنْتُ أَحْكِيْلَهُمْ "هَاي بَيْتِي، أَنَا عَارِفَةٌ هَادِ الْبَيْتِ إِلَيَّ". أَرْضُنَا وَمِنْ حَقْنَا نَحْلَمُ وَيَنْ بَدْنَا نُسْكُنُ!

بتول لملح



→ طريق الوادي

← طريق الجانية

→ الى رام الله

طريق بيتونيا الجانية

مجمع تجاري

مقهى
مركز
مكتبة

منازل
منازل

مدرسة

مدرسة

ساقية

مَنْطِقَةُ الْجَنَانِ كَانَتْ أَحْلَى مِنَ الْيَوْمِ، كَانَتْ دَرَجٌ قَدِيمٌ وَالْمَيِّ طَايِحَةٌ مِنْ سَطْحِ الْجَبَلِ وَطَالَعَةٌ مِنَ الْوَادِ
وَفِيهَا حَنْفِيَّةٌ، وَالْمَيِّ يَنْتُصِبُ لِحَالِهَا عَلَى الْيَمِينِ وَعَلَى الشَّمَالِ، ثَلَاثُ نَبْعَاتٍ بِيْطِيحْنَ، بَقْتُ اتَسَطَّلُ،
بَقِيَّتِي تُقْعِدِي عَلَى الدَّرَجِ وَتَحْطِيْ أَيْدِكَ هَيْذُ وَتَكُونِي صَافِنَةً، وَتَقُولِي مِنْ وَينِ جَائِةٌ؟! كَحَفْوِهَا وَإِجْوَا بَنُو
خَزَانَ وَخَرَّبُوا الدِّنْيَا فِيهَا وَرَاحَتْ الْمَيِّ. بَدَلُ مَا النَّبْعَةُ طَايِحٌ فِيهَا الْمَجَارِي، لِأَزْمِ تُصِيرُ نَظِيفَةً وَتَرْجَعُ تَتَعَمَّرُ
مِنْ أَوَّلِ وَجَدِيدٍ، تُصِيرُ مُنِيحَةً وَتَقِيَّةً وَصَافِيَةً. يَعْنِي إِحْنًا يَنْرُوحُ بِنَكَزِدِرٍ دَائِمًا، يُنَوِّخُذُ أَوْلَادَنَا وَمَنُوصَلَهُ، فِي
الشَّتْوِيَّةِ تَبْقَى الدِّنْيَا تُمَطَّرُ وَاحْنَا يُنْتَفَرِّجُ عَلَى الْمَيِّ. يَعْنِي لَوْ يَبْقَى فِي رَيِّ مَحَلِّ شَعْبِي، مِثْلًا كُشْكُ، يَبْقَى
فِي نَاسٍ بِيْشُوا اللَّحْمَةَ عَلَى الْفَجْمِ وَانْتِي وَاقِفَةٌ، وَالْقَعْدَاتُ يَبْقَى فِيهَا نِظَامٌ وَتَرْتِيبٌ، بِيَدْعَمُوهَا النَّاسُ
إِلَيَّ فِي الْقَرْيَةِ وَإِلَيَّ مِنْ بَرَّةً، وَمِنْ الشَّقِيَّتَيْنِ بِيَطْوَرُ أَرْوَدُ.



سَمِيحٌ

عِنَّا الْجَامِعُ فِي بَلَدِنَا طَابِقِينَ، التَّحْتَانِي نَادِرٌ جِدًّا إِنَّهُ حَدَا يَسْتَعْلَهُ، لَوْ نَعْمَلُ فِي قِسْمِ مَنَّهُ رَوْضَةً لِلْأَطْفَالِ
لَأَنُو أَوْلَادُنَا مِشْ كَثَارًا، وَبَابَهُ سَاحَةٌ وَبَعِيدٌ عَنِ السِّيَّارَاتِ. وَفِي قِسْمِ ثَانِي عِيَادَةِ صَحِيَّةً، لَوْ رَيِّ زَمَانٌ، بَقَى
يَجِي دَكْتُورٌ كُلُّ أُسْبُوعٍ مَرَّةً، يَجِي سَاعَتَيْنِ يَعْمَلُ فُحُوصَاتٍ وَيُعْطُوا النَّاسَ أَدْوِيَّةً، رَيِّ أَكَامُولُ، دَوَاءُ
الضَّغْطِ، دَوَاءُ السُّكَّرِيِّ، لَوْ يَرْجَعُ هَازِ الْإِشْيِ مِنْ أَوَّلِ وَجَدِيدٍ.

أَنَا نَفْسِي أَسَاوِي فُرْنَ كَبِيرٌ وَأَبِيْعُ كَمَاجٌ وَخُبْزٌ لِلنَّاسِ، وَعَلَى طَابُونِ النَّارِ، وَأَبِيْعُ فِي السُّوْبَرْمَارِكْتِ، يَعْنِي لَوْ
يَصِحِّلِي فُرْنَ أَرْبَعُ طَبَقَاتٍ بَعْجِنُ وَبَخْبِزُ وَبَطْعَمُ النَّاسِ، إِلَيَّ الْوَاحِدُ يَسْتَفِيدُ وَيَسَاوِي شَعْلَةً وَهُوَ فِي الدَّارِ.

بِاسْمَةِ نَجِيْبِ مَحْمُودٍ لِمَلْحٍ



→ طريق الوادي

← طريق الجانية
شارع مشاة

→ الى رام الله

طريق بيتونيا الاجاصين

شارع مشاة

جامع نور

محلّة الخضار

مركز اجتماعي

مدرسة

محلّة لوجي صناعية

ساقية

مكتبة

مدرسة

محلّة لوجي صناعية

